

聯校通識學生活動 之 家多一點愛話劇創作比賽

劇本 - 我阿媽有病



參賽學校：將軍澳香島中學
參賽學生：陳凱雪 潘曉嵐 吳采蓓 文健光
負責老師：鍾堯基

人物介紹

媽媽：學歷不高，但辛勤照顧家中子女，任勞任怨，典型的香港家庭主婦。
家姐：中五學生，常以為媽媽偏心細妹，引至內心矛盾。
細妹：六歲，思想單純，心地善良。

劇本的創作理念、意義，及如何有助推廣家庭核心價值

家是溫暖的避風港，孩子的成長離不開父母的關愛。不知何時，都市人皆忽略家的重要，父母們為生計奔波勞碌，為子女供書教學省吃儉用，早出晚歸；不知何時，家人之間相聚的時間越來越少，子女們不是低頭一族，就是用耳機塞住自己，不願聽父母的嘮叨。彼此的心靈關上了一道厚厚的門，形同陌路。

我們經常在報章閱得多少家人之間因缺乏溝通而發生的悲劇，又有多少老人得不到子女的關懷而孤獨終老。愛是生命的根源，所有的誤解源於溝通不足，父母因工作繁忙而沒有時間聆聽子女心聲，子女寧願通過冰冷的互聯網與人交流而不懂得真情流露。為此，我們更宜多學習表達內心，通過不同渠道，或文字表達、家書、廣播劇、話劇創作等宣揚家庭責任。

家庭成員彼此有愛，彼此尊重，多一份關懷，日常生活中的噓寒問暖，就可以少一點爭吵多幾份溫情。家人彼此多一份責任感，父母的言傳身教，子女心懷感恩，就可以少一點摩擦多幾份理解。曾幾何時，家人總愛聚首一起，閒話家常，共享天倫，人人多一份溝通，就可以少一點誤解多幾份和諧。愛是恆久忍耐，惟有愛，才是維繫和諧家庭的核心價值，亦是我們期盼香港人能堅守的責任。我們希望通過話劇表演，表達家多一點愛的理念，凝聚更多愛，讓我們的社會充滿愛，讓世界充滿愛。

劇名：我阿媽有病

- 旁白 (這是一個很平凡的故事，可能發生係你我嘅屋企。)
- 姐 (雙眼凝視手機、步入房間) 我放學返來了…我返入房溫習啦
- 媽 陳醫生…係…係…唔該…阿個女番左黎…下次再講 (咳聲)(收線)
- 姐 (大聲) 媽咪啊，細妹又搞我 d 文具啊
- 媽 好小事姐(咳聲)，你執番咪得囉
- 姐 明明細妹唔岩，點解你唔話下佢
- 媽 細妹細你咁多，你就原諒佢啦(咳聲)，佢得六歲，你下年就考大學了
- 姐 細妹上星期先打碎我最中意個隻杯，現在又整壞曬我的文具，咁都唔話下佢，你好偏心囉!
- 細 媽我好肚餓呀
- 媽 我攤個包包你食啦
- 姐 你淨係理細妹得啦，而家得佢一個係你個女，我唔係?
- 媽 家姐你唔好發脾氣住，第日我唔係度，你地就要互相照顧。
細妹你慢慢食啦，媽咪現在去樓下買少少野先(咳聲)買完返來就吃飯。
- 姐 (對住細妹)我唔知你係真傻定假傻
- 細 我好聰明嫁，上次「小童群益會」，姑娘都話我有進步，可以拍 20 下波架，我係唔係好叻呀?(得戚樣)
- 姐 你走開啦，扮曬醒
- 細 扮猩猩? 家姐做乜扮猩猩?
- 姐 我去廚房飲杯水先，無你咁好氣，(東張西望搵水杯)點解阿媽收埋左盒野係廚房嘅? 睇下先…包咁多層做咩呢? 靈芝丸…仲有抗癌丸? 阿媽收埋 d 野做乜呢?
- 細 家姐，媽咪櫃筒好似有張紙，我可唔可以用來摺飛機呀?
- 姐 咪住咪住…喂唔好搞我 d 功課啦…等我睇下先…(搶細妹手中紙張細看)

媽 「親愛的家姐和細妹，當你睇到這封信時，我已經離開這個家。你要記住好好照顧細妹，唔好再掛住我了，因為你搵我唔到，你就當媽媽仲係屋企俾心機讀書，同細妹相親相愛，我愛你們！媽媽上。」

細 家姐，我要返房填顏色

姐 (高聲)好好、你去填顏色啦(疑惑聲)搞乜呀寫封咁嘅野？咪住…抗癌藥…阿媽又咳…仲同醫生講電話講到神神秘秘咁…莫非阿媽有絕症？…呢封係佢嘅遺書…唔通佢有肺癌!?唉 一定係啦…等我呢排仲成日激佢…真係唔應該啦…等我收番 d 野先，當作若無其事先。

媽 (開門聲) 我番黎啦

姐 (勉強地笑) 媽媽你返嚟啦，d 野好重啊，等我幫你放系廚房 (走進廚房)

媽 (奇怪樣) 唔該!

姐 飲杯暖水先啦，潤潤個喉嚨

媽 (奇怪樣) 好呀!

媽 你做完功課未呀?

姐 做完啦

媽 細妹呢?

姐 細妹...媽咪叫你呀

細 媽咪...我畫得靚吾靚啊?(展示像猴子的作品)

姐 靚! ... 但你畫邊個啊?

細 家姐囉

媽 (有點無奈)靚啊靚....家姐、細妹肚餓嗎?(咳聲) 我去開飯好嗎?(咳聲)

細 媽咪成日咳...我又要咳...哈...哈...哈...

姐 (心裏一沉) 等我去廚房開飯，媽媽休息下先 (取出食物)

媽 (食飯途中)(疑惑樣)我覺得你最近好似有 d 唔同左

姐 下..?我一向都系咁架啦

細 我要食雞髀 媽媽

媽 得！我將隻雞髀比你，家姐你都食一隻啦

姐 唔好！細妹食一隻… 媽媽你都要食一隻…

媽 (安慰)家姐真係生性

媽 (細妹在手中有一堆文具) 細妹你又搞家姐 d 文具!

姐 唔緊要啦

細 我要用原子筆吃飯…哈哈

姐 細妹你塊面有幾粒飯 等家姐幫你抹乾淨

媽 (咳聲) 我想趁今晚同大家講清楚一件事，我覺得都係時候要同你地講清楚，
(取出「遺書」) 我唔想欺騙你地

姐 你唔好講啦…我唔聽呀…大家食飯

細 哈…哈…哈…我要聽…我要聽

媽 (奇怪神情) 唔通你知道左?

姐 你…你唔好講啦..

媽 我遲早都要走啦，你要及早準備呀，我唔係到既時候，家姐要...

姐 (打斷媽媽對話) 媽媽，我會架啦，你唔好講呢 d 野啦，你會好快有事。

媽 好快有事? 哦，我好唔番嫁 la，你們不要再擔心我。

姐 醫學咁昌明, 實醫得番好你架，你快 d 食藥啦, 一定會好返嫁

媽 我唔食啦，醫生都話好難好嫁啦

姐 媽媽你要有信心，我會好好照顧細妹，一直陪系你身邊，你唔洗擔心架，其實.. 你.. 而家係第幾期呀?

媽 第幾期?... 我... 更年期 wo... 更年期有分第幾期嘅咩?

細 媽媽我又要更年期…你買給我…

媽 好好… 細妹…你乖乖…唔好亂講野

細 唔制…我要你帶我要去「369 阿婆屋」買更年期給我吃

媽 我遲 d 再同你解釋啦

姐 媽媽你食藥啦，唔好扮喇，我也都知道曬，你有 cancer 我地不如積極咁去面對啦

媽 邊個有癌症？

姐 我也都知道架啦(從廚房取出藥)

媽 你做乜係廚房拎 d 藥出來呀，d 藥好貴嫁，唔好擺來玩

姐 唔怕，最緊要可以醫好你，最多我每日放學去兼職賺錢。

媽 醫好我？唔通你以為我有病？

姐 廚房 d 藥不系你食嘅咩嗎？

媽 唉，梗係唔係我！我去幫你大陸個親戚買姐，香港買到印度做的仿製藥，平好多，一樣咁 work 嫁，你通識冇學過嗎？我仲記得是公共衛生單元。我怕速遞公司寄到 d 藥碎曬，咁就打算上一次大陸帶上去，順便探望 d 親友，住番一兩個星期先番香港。

姐 咁你做乜寫「遺書」？

媽 乜野「遺書」？(姐姐從阿媽手中搶走「遺書」)

媽 你成日大頭蝦，打算提醒你炸，提醒你好好照顧細妹

姐 點解你叫我唔好嘗試搵你呀...又話咩我搵你唔到

媽 我有漫遊嫁...你幫我出個過學生 2G plan 乜鬼都唔包...點聯絡呀...話時話快 d 同我轉番個好像陳師奶個電話咁...用到「whats 呢」定「We 叻」個 d plan 添

姐 咁你點解要神秘秘同陳醫生講電話？

媽 就是佢教我買邊隻印度做的仿製藥，唔係我點識買啊

姐 但..你成日咳...點解 ge？

媽 咳左很久啦、敏感咳、陳醫生話冇得醫，香港空氣唔好呀，唔通唔啱氣嗎？

姐 原來係咁，實在太好啦

媽 我非常健康，真係大吉利是過你，唔怪之得你之前對我咁好啦，原來你以

為我就快死呀

姐 媽媽，你實在太可愛了(抱住媽媽)，以前係我唔生性，成日因為小事同你頂嘴。

實在太好了

媽 咪住! 咁我有事，你會唔會又頂撞我架?

姐 梗係不會啦! 呢件事令我明白，家庭成員間溝通的重要性。以為你有事果陣，我真係好驚會失去你，我很內疚我以前對你嘅態度咁差。今日我才知道原來自已是咁愛你的。我以後會好好珍惜同媽媽和細妹相處的日子

媽 其實媽媽對你同細妹一樣，都係咁愛你地。

細 媽媽! 家姐 d 顏色筆一支一支咁飛落街，好似彩虹咁靚呀!

姐， (大聲) 細妹，唔好呀! (一同走向細妹)
媽

全劇完